

摘藻堂四庫全書薈要

子部

欽定四庫全書薈要

子部

御定書畫譜卷五十八

欽定四庫全書薈要卷一萬一千三百九十

子部

御定佩文齋書畫譜卷五十八

畫家傳十四



明四

董其昌

董其昌字玄宰華亭人

見書家傳

官至禮部尚書謚文敏好

書畫臨摹真蹟至忘寢食其畫集宋元諸家之長行以
已意論者稱其氣韻秀潤瀟灑生動非人力所及也

松江

志

其昌云余畫少學黃子久山水中復去而為宋人畫

畫

禪室隨筆

其昌又云余畫與文太史較各有短長文之精工具體
吾所不如至於古雅秀潤更進一籌矣

容臺集

其昌山水樹石煙雲流潤神氣具足而出以儒雅之筆

風流蘊藉為本朝第一

畫史會要

其昌最矜慎其畫貴人巨公鄭重請乞者多倩他人應

之或點染已就僮奴以贗筆相易亦欣然為題署都不計也家多姬侍各具絹素索畫稍有倦色則謠詠繼之購其真蹟者得之閨房者為多

列朝詩集

自元末以迄國初畫家秀氣略盡成弘嘉靖間復鍾於吾郡至萬厯末而復衰董宗伯起於雲間才名道藝光岳毓靈誠開山祖也惜學之者未探宗旨徒貌皮膚兩郡氣習亦駸駸乎強弩之末也

顧凝遠畫引

邢侗

邢侗字子愿臨邑人

見書家傳

官至行太僕寺少卿畫入黃

趙董馬堂奧

李維楨大泌山房集

侗偶作意寫卷石莎草長松修竹遊戲點綴羅羅見其

清疎大抵仿元章叔明筆意

史孝先來禽館集序

侗善作荊草拳石筆之古秀煙潤庸史孰能及焉

圖繪

寶鑑續纂

范允臨

范允臨字長倩吳縣人

見書家傳

官至福建叅議

蘓州志

允臨跋自畫云余胸中有畫腕中有鬼少時曾留心繪
事以領青衫不可得退而屈首受書遂棄之今老矣追
憶往年筆墨隱隱在目間偶一拈弄竟不類青山面孔
然隨意塗抹亦自有致絕無畫家谿徑觀者聊以當無
絃之琴

范允臨翰廖館集

鄒迪光

鄒迪光字彥吉無錫人萬厯甲戌進士官至副使提學
湖廣罷官時年纔及強卜築惠錫之下極園亭歌舞之

勝列朝詩集

迪光寫山水脫盡時格一樹一石必求精妙

畫史會要

李日華

李日華字君實嘉興人

見書家傳

官至太僕寺少卿書畫亞

於董玄宰

列朝詩集

日華云余繪事萬不足稱然有留意者亦頗溺之嘗有題句云畫成未擬人將去茶熟香溫且自看亦可笑也

竹嬾畫媵

李肇亨

李肇亨字會嘉號珂雪又號醉鷗

日華子

精畫理

朱茂琬

顧頤集

王思任

王思任字季重號遂東山陰人

見書家傳

官主事出知九江

府

山陰志

思任間作畫仿米家數點雲林一抹饒有雅致

圖繪寶

鑑續纂

朱之蕃

朱之蕃字元介號蘭嵎金陵人

見書家傳

官至侍郎善畫山

水花卉

畫史會要

元介所摹古人有南宮奪真之妙

江寧志

米萬鍾

米萬鍾字仲詔闕中人徙京師性好石號友石先生

見書

家傳仕至太僕少卿山水得倪迂法花卉似陳白陽

畫史

會要

鍾惺

鍾惺字伯敬

譚元春云
號退谷

竟陵人萬曆庚戌進士授行人

遷南京禮部主事歷郎中提學福建所撰古今詩歸盛行於世

列朝詩集

鍾惺善畫

畫引

鍾伯敬寄譚友夏寒河圖多其位置竹樹陂岸不寒河不已後偶作一古樹不覺高出於紙茅齋之外不益一物空處忽露半舟曰此寒河也題而寄之

玉劔尊聞

鍾快

鍾快惺弟長齋事佛通書畫

譚友夏集

范迂

范迂字曼翁嘉興諸生素不習畫年踰不惑始託好焉

畫輒題詩其上

張嘉孺題畫詩序

程嘉燧

程嘉燧字孟陽僑居嘉定刻意為歌詩善畫山水兼工寫生酒闌歌罷興酣落筆尺蹠便面筆墨飛動或詒書

致幣鄭重請乞摩挲縮瑟經歲不能就一紙

列朝詩集

李流芳

李流芳字長蘅嘉定人萬厯丙午舉南畿再上公車不第遂絕意進取性好佳山水中歲於西湖尤數詩酒筆墨淋漓揮灑山僧榜人相與款曲軟語間持絹素請乞欣然應之畫出入元人尤好吳仲圭

列朝詩集

長蘅以山水擅長其寫生又有別趣出入宋元逸氣飛

動

容臺集

李杭之

李杭之字僧筏流芳之子畫筆酷似其父

列朝詩集

宋珏

宋珏字比玉莆田人畫出入二米仲圭子久不名一家

列朝詩集

歸昌世

歸昌世字文休常熟人

見書家傳

善畫墨竹

畫史會要

朱敬韜

朱敬韜字雲來董其昌題其畫云敬韜作米虎兒墨戲
不減高尚書 畫禪室隨筆

張維

張維字叔維常熟人工畫善吹簫度曲詩亦落落清泚
常熟志

張叔維畫筆宗董北苑吳仲圭生於虞山游跡終歲多
在西湖自號西泠寓客故煙巒出沒善得吳越諸山之
神詩才清逸程孟陽數稱之 張鴻磐西州合譜

陳永文

陳永文號寶齋善畫花鳥能詩文

常熟志

董孝初

董孝初字仁常華亭人為諸生久不得志遂棄去放浪山水間中年作畫筆墨簡遠為時所稱

松江志

顧懿德

顧懿德字原之畫倣王蒙行筆秀潔屏居東郊罕所酬

應得者寶愛之

松江志

顧善有

顧善有懿德子亦能畫

松江志

陳繼儒

陳繼儒字仲醇別號眉公華亭人善寫水墨梅花

圖繪

寶鑑續纂

仲醇能畫山水氣韻空遠

松江志

董其昌云眉公胸中素具一丘壑雖草草潑墨而一種
蒼老之氣豈落吳下畫師恬俗魔境

容臺集

何白

何白字无咎永嘉人詞賦擅名山水得方方壺筆意清
老可尚竹石亦最煙潤

畫史會要

吳振

吳振字振之

馮仙湜云
號竹嶼

華亭人工山水筆墨秀潤為董

文敏所稱賞

松江志

吳昌

吳昌字昌伯振子能世其業

圖繪寶鑑續纂

文震亨

文震亨字啓美待詔曾孫

見書家傳

書畫咸有家風為中書

舍人

列朝詩集

文從昌

文從昌號南岳伯仁之孫質樸古雅以畫名

文氏族譜

從昌落筆娟秀志存法祖流風餘韻往往似之

畫史會

要

文從忠

文從忠號華岳從昌從弟能畫 文氏族譜

文承光

文承光字象賢從昌子能畫 文氏族譜

文世光

文世光字仲英從昌子善畫花鳥 文氏族譜

安紹芳

安紹芳字茂卿自號硯亭居士無錫人 見書家傳 畫摹大癡

嬾瓚旁寫蘭竹別具一種清芬里中兒購不易得姑以

自寄其瀟灑標韻而已

陳繼儒晚香堂集

陳元素

陳元素字古白吳人

見書家傳

善畫蘭

畫引

甄求野

甄求野非畫者居恒讀書十之七徙倚竹樹十之三酒茗縱談琴弈自恣十之五或竟月不畫連月畫不休人或踵門申懇未必為畫或不俟求輒自喜為畫淋漓酣肆出入董巨

恬致堂集

徐弘澤

徐弘澤字潤卿號春門

見書家傳

畫出入子久叔明仲圭三

家昭代則石翁徵仲白陽丹丘一灑墨即在筆端

恬致

堂集

秦舜友

秦舜友字心卿號冰玉宣城人徙錢塘摹右軍書右丞

詩繪錢塘人無出其右者

虞淳熙德園集

秦心卿喜用鹿柱筆不得精紙不以塗抹其畫自入天

台後松針石脈迴然有異

恬致堂集

薛志

薛志字子尚長於水墨雲山樹石小近李成

德園集

沈叔淳

沈叔淳更名自新字曼倩

見書家傳

弄筆作煙樾渚柯沙嶼

坡麓奄有元人風格

恬致堂集

項承恩

項承恩字寵叔新安人為杭州府學生屢上不第遂隱

西湖岳墳做石田畫蒼莽淋漓直得子久家法

六研齋

三筆

諸清臣

諸清臣字清之會稽人善畫置之趙子昂黃子久王叔

明倪雲林之間幾不能辨

邢侗來禽館集

畢本

畢本字子務號昆山淄人嗜琴工詩善畫山水人物

畢

自巖石隱園藏橐

吳棫

吳棫字去塵別號逋道人休寧人為詩清古澹雋工書畫又精琴理製墨及漆器精妙人爭寶之

徽州志

黃道周

黃道周字幼玄一字螭若號石齋漳州人

見書家傳

歷官禮

部尚書

黃石齋行狀

黃石齋善畫人初不知也臨難前作水墨大畫二幅長

松怪石極其磊落

劉繼五石瓢

倪元璐

倪元璐字玉汝號鴻寶上虞人天啓壬戌進士改庶吉

士授編修終禮部尚書翰林院學士謚文貞

兩朝遺詩

倪鴻寶善畫竹石水雲山草集多題畫詩

五石瓢

胡臯

胡臯字公邁婺源人畫追顧陸天啓中詔從將軍趙佑

宣撫朝鮮

徽州志

李永昌

李永昌休寧人

見書家傳

善書畫與董思白齊名

徽州志

童朝儀

童朝儀字令侯山陰人

見書家傳

歷官後軍都督工書畫山

陰志

鍾士昌

鍾士昌字汝樸通海人敏慧絕人善書畫及北遊兩都

筆墨益妙天啓間試畫品中書

雲南通志

朱統鋸

朱統鏐字仲韶

謀聖族姪

寫花卉無塵俗氣畫史會要

唐志契

唐志契字玄生海陵人生耽繪事自謂得趣之深著繪事微言四卷畫史會要

唐志尹

唐志尹字聘三志契弟亦能畫畫史會要

吳秋林

吳秋林歙人

見書家傳

繪事宗周東村兼善蘭竹

紫桃軒又

綴

陸元厚

陸元厚

見書家傳

畫工草蟲不多為人作

紫桃軒又綴

盛德潛

盛德潛號杞菊老人性癖嗜古所著有存古錄皆劄記
鼎彝奇物書繪真蹟若周公謹雲煙過眼之屬畫清貴
簡遠如倪迂若不肯為人作間點筆又輒自碎之

紫桃

軒又綴

潘璿

潘璿字在衡無錫人善畫

許令典淮陽集

朱纓

朱纓字清父嘉定人

徐允祿云朱鶴子別號小松見書家傳

畫尤長於氣

韻長卷小幅各有異趣

婁堅學古緒言

朱纓刻竹木為古仙佛像鑒者謂勝於吳道子所繪又間倣王摩詰諸名家所畫山川雲樹紆曲盤折盡屬化工他人竭力效之終不能及

徐允祿思勉齋集

朱稚征

朱稚征清父季子亦工圖繪

思勉齋集

卞文瑜

卞文瑜

畫史會要云字潤甫

號浮白蘓州人善山水

圖繪寶鑑續

纂

文瑜樹石勾剔甚有筆意

畫史會要

高道素

高道素號明水嘉興人歷官工部郎中點染豪素臨摹

逼真慣作倪迂小景禪貞默近代畫名家實錄

王綦

王綦字履石吳郡諸生寫山水結構奇幻人物樹石略寫形似不拘拘於畫法

畫史會要

盛茂燿

盛茂燿號念菴

畫史會要云長洲人

善山水

圖繪寶鑑續纂

盛年

盛年字大有茂燿子亦善畫

圖繪寶鑑續纂

袁孔璋

袁孔璋字叔賢吳縣人山水精秀用筆不苟

畫史會要

孫枝

孫枝

珊瑚網云
字叔達

吳人善山水法文待詔

畫史會要

張宏

張宏字君度吳縣人善山水

畫史會要

張文元

張文元姑蘓人工畫美人俗筆中神手也

五雜組

張翀

張翀號圖南江南人善人物筆墨豪邁著色古雅時人

爭重之山水亦佳

圖繪寶鑑續纂

鄭重

鄭重字千里歙人流寓金陵好樓居日事香茗善寫佛像必齋沐而後舉筆亦畫山水小景

圖繪寶鑑續纂

朱實

朱實字肖海嘉興人臨摹元人舊本精妙入神

圖繪寶鑑

鑑續纂

韓旭

韓旭浙人善草蟲其翎毛深學林良

圖繪寶鑑續纂

李麟

李麟字次公四明人善佛像下筆如蓴葉用焦墨而不覺其枯尤長寫貌亦以焦墨粗鈎為之

圖繪寶鑑續纂

李仲芳

李仲芳麟子能紹父藝

圖繪寶鑑續纂

俞臣

俞臣字臣哉杭州人寓維揚善蘭竹得趙松雪正派

圖

繪寶鑑續纂

趙備

趙備字湘蘭江南人善畫墨竹雨露者居多烘染最為

得法

圖繪寶鑑續纂

張堯恩

張堯恩字孺承杭州人善山水筆意與文氏相似

圖繪

寶鑑續纂

張錫蘭

張錫蘭堯恩子亦能紹藝
圖繪寶鑑續纂

姚允在

姚允在字簡叔會稽人山水學荆關筆墨道勁思致不

凡
圖繪寶鑑續纂

王醴

王醴字三泉嘉興人善花鳥學周少谷
圖繪寶鑑續纂

張譽

張譽字仲實號莪石南海人工畫山水人物花鳥草蟲
白描出李龍眠之右筆法精妙

圖繪寶鑑續纂

鄒之麟

鄒之麟字臣虎武進人舉進士畫摹黃子久

常州府志

張鵬

張鵬字應秋號雲程甌寧人畫擅百家之長尤工山水

花草翎毛特其餘事耳

圖繪寶鑑續纂

朱曰非 范公亮

朱曰非筆清墨秀范公亮亦畫道中軼材相與鼓行而
前子久營壘悉入吳越間矣

恬致堂集

陳丹衷

陳丹衷字旻昭號涉江金陵人

見書家傳

能畫不名一家

江

寧志

凌必正

凌必正字貞卿太倉人崇禎辛未進士官至廣西副使

善畫花鳥 太倉州志

蕭遠

蕭遠字槐徵曲江人崇禎丙子舉於鄉詩文下筆立就
尤工繪事 韶州府志

吳繼善

吳繼善字志衍太倉人崇禎丁丑進士知成都縣博聞
辨智風流警速工詩歌善尺牘尤愛圖繪有元人風 吳

偉業梅村集

魯得之

魯得之字孔孫號千巖錢唐人工寫竹

嘉興志

孔孫墨竹從吳仲圭得法而上窺文湖州蘓玉局所謂
駸駸欲度驊騮者此道今人滅裂披猖可厭孔孫遠宗
獨紹崛起千古之下真翰墨中精猛之將

李日華墨君

題語

孔孫寫蘭竹正如文與可初不自貴重人人可乞當其
最入意者則又鐫而藏之曰吾將留以自驗少壯生熟

進長之不同也

同上

得之晚患臂疾以左手寫竹風韻尤佳

秀水志

楊文驄

楊文驄字龍友貴州人官至兵部郎博學好古善畫山

水圖繪寶鑑續纂

龍友生於貴竹獨破天荒所作台蕩等圖有宋人之骨
力去其結有元人之風雅去其佻出入巨然惠崇之間

容臺集

魯憲學

魯憲學字爾章南漳人

見書家傳

善書畫

湖廣通志

張爾葆

張爾葆字葆生松江人弱冠即有名畫苑寫生入能品
後善山水與李長蘅董思白齊名其壻陳洪綬得其畫
法山陰志

陳洪綬

陳洪綬字章侯諸暨人以明經不仕賦性狂散研心書

畫所作古人物世所罕及畫史會要

洪綬甫四齡就婦翁家見新墜壁登案畫漢前將軍關侯象長八九尺蓋繪事本天縱也崇禎間與北平崔青蚓齊名號南陳北崔

靜志居詩話

崔子忠

崔子忠字道母初名丹字開予又字青蚓順天府學諸生形容清古言辭簡質望之不似今人文翰之暇留心丹青規摹顧陸閻吳遺蹟唐人以下不復措手居京師

闌闌中蓬蒿翳然凝塵滿席時花養魚杳然遺世興至
則解衣盤礴一妻二女皆從點染設色相與摩挲指示
共相娛悅間出以貽相善者若庸夫俗子用金帛相購
雖窮餓掉頭弗顧也

孫承澤畿輔人物志

崔青蚓細描設色能自出新意

沈光裕譽諱

楊芳

楊芳字青之浮沉里中三十年口無雌黃遇酒輒笑生

平喜作畫而不自貴重

黃淳耀陶菴集

藍瑛

藍瑛字田叔浙江人善畫老而彌工蒼古頗類沈啓南
畫史會要

邵彌

邵彌字僧彌長洲人

見書家傳

畫山水極古秀之致吳偉業

畫中九友歌云風流已矣吾瓜疇一生迂癖為人尤童

僕竊罵妻孥愁瘦如黃鵠閒如鷗煙驅墨染何曾休蓋

指邵彌也

蘇州志

沈顥

沈顥字朗倩吳縣人性豪放好奇工書畫

蕪州志

朱鷺

朱鷺字白民吳縣人結茆華山蓬子峰貧甚不受人一

錢唯寫竹枝賣以自給

續姑蘓名賢小記

顧凝遠

顧凝遠號青霞吳郡人少負驚才長而好學於古今墳
典藝志無所不窺而又精於畫理好事者得其寸縑尺

壑輒護為百結木難畫引序

周治

周治字之治工為詩歌間涉繪事高秀絕塵力貧自給
終身不娶吳縣志

盛堯民

盛堯民吳人貧而俠工丹青
范鳳翼璽脚集

張風

張風字大風上元人少為諸生後遂焚帖括衣短後佩

蒯綬走北都出盧龍上谷覽昌平天壽諸山風故善畫
至是乃益工畫尾署真香佛空四字或稱昇州道士江
寧府志

鄒典

鄒典字滿字吳縣人客遊金陵遂家焉貧苦有志節喜
讀禹貢考工離騷南華諸書善繪事江寧府志

武光輔

武光輔性至孝以母老不忍仕好遊山水善畫竹每以

自娛不為人所強 江寧府志

朱茂曙

朱茂曙字子衡秀水人 見書家傳 能畫山水竹石為董文敏

所稱 秀水志

朱素臣

朱素臣字去塵善寫竹築屋於幽篁間與名流觴詠其中曹太史勲贈詩中有道人癯似竹之句遂以竹屋為號 秀水志

沈甲秀

沈甲秀字凝之石門人

見書家傳

善畫花鳥草蟲

石門志

諸文星

諸文星字紫鄰

見書家傳

善丹青

石門志

葛垓

葛垓字長熙初名杰南州社中名儒也善寫水墨人物花卉山水濃淡數筆不露點畫之痕

閔奎翠橘堂箋臆

朱洪圖

朱洪圖字定遠南昌衛世指揮使嗣宗子也善畫落筆

瀟灑逼真雲林

翠橘堂箋臆

舒忠讜

舒忠讜字魯直舒芬之曾孫庚午鄉薦第二人翰墨詩

畫無不盡之美

翠橘堂箋臆

趙甸

趙甸字璧雲山陰諸生善畫山水得雲林筆意

紹興志

翁逸

翁逸字祖石餘姚人工山水

紹興志

胡靖

胡靖南平人後為僧名澄雪工書畫嘗泛海至琉球覽
島嶼風景繪圖誌槩刻畫精妙

延平志

李茂枝

李茂枝永安人放情詩酒喜畫墨蓮尤精於人物人謂

道子復生

延平志

徐白

徐白字介白嘉興人徙吳江以諸生久須當貢遭亂棄
去隱靈巖之上沙無子女不蓄僮僕手一鎌種蔬藝果
捃拾自給暇則坐小樓作畫吟詩詩幽秀得晚唐風致
畫蕭疎無俗韻

松陵文獻

蔣志和

蔣志和

啟禎時人

陳繼儒題其畫卷云自唐宋元名家皆撮

其精微染於豪端豈惟氣吞時流即董宗伯見之幾下

衛夫人之歎

眉公集

陳嘉言

陳嘉言字孔彰嘉興人善寫花卉

圖繪寶鑑續纂

呂定僧

呂定僧所寫纖禽香草陸離偃蹇有青蚪白螭之氣

胡

介旅堂集

虞麟伯

虞麟伯善寫真李肇亨寫山樓橐

周道行

周道行吳縣人以繪事知名

馮翼讀上編

王允齡

王允齡字延卿模倣各家皆有生氣

江寧府志

謝成

謝成字仲美寫真逼肖山水花鳥皆擅長

江寧府志

盛脢昌

盛脢昌字懋開作畫頗拘尺幅而持身高潔綽有古風

江寧府志

施霖

施霖字雨咸

畫史會要
作雨若

畫山水不屑屑景色間有元人

風度可稱逸品

江寧府志

戈汕

戈汕字莊樂能詩善書畫作畫鈎染細密人謂其得北

宋畫院筆意

常熟志

徐峽

徐峽字石臣善書畫品甚孤介

常熟志

王載仕

王載仕字浮玉邑諸生志尚高雅隱於丹青一時名流

咸推重之常熟志

張鳳儀

已下三十五人見畫史會要朱謀聖云真蹟罕覩未敢置評

張鳳儀長洲人善人物畫史會要

凌雲翰

凌雲翰字五雲善山水畫史會要

王式

王式字無倪長洲人畫史會要

陳尚古

陳尚古字彥朴長洲人畫史會要

汪建

汪建字元植徽州人畫史會要

邵堅

邵堅字不磷吳縣人畫史會要

李辰

李辰字奎南四明人畫史會要

袁楷

袁楷字雪隱無錫人畫史會要

俞之彥

俞之彥字章施吳縣人畫史會要

趙洄

趙洄字行之華亭人畫史會要

吳令

吳令字信之吳縣人畫史會要

習玄

習玄字又玄吳縣人畫史會要

劉廣

劉廣字元博長洲人畫史會要

李良

李良字癡和閩中人畫史會要

葉芬

葉芬字清之松江人 畫史會要

汪澄

汪澄字澹然徽州人 畫史會要

方宗

方宗字伯蕃瓜州人 畫史會要

趙穀

趙穀字雲石泰州人 畫史會要

戴纓

戴纓字清之長洲人畫史會要

李遴

李遴字振振江都人畫史會要

趙化龍

趙化龍字雲門四明人畫史會要

江文斗

江文斗字煥之徽州人畫史會要

周愷

周愷字晉卿長洲人畫史會要

朱質

朱質字吟餘長洲人畫史會要

徐尚德

徐尚德字仲修江都人畫史會要

陳天台

陳天台字閨仙閩中人畫史會要

保甸

保甸字君平通州人畫史會要

吳士冠

吳士冠字相如蘓州人畫史會要

孔復貞

孔復貞字鳧生揚州人畫史會要

董策

董策字清寰四明人畫史會要

馮夢桂

馮夢桂字丹芬長洲人畫史會要

范霽

范霽字夢符四明人畫史會要

盛紹先

盛紹先字克振揚州人畫史會要

惲道生 商孟和

惲道生

圖繪寶鑑續纂云
名本初武進人

商孟和並善畫山水

譚友夏

集

方叔毅

方叔毅字百里上海人工貌人物

松江志

朱瑛等十七人

見珊瑚網為汪珂玉寫摩詰句圖按珂玉自跋為崇禎戊辰故

附於崇禎之末

朱瑛

戴晉

陳墉

徐榮

姚潛

朱大定

萬祚亨

吳弘猷

吳必榮

趙珂

周志

陸海

沈燧

范明光

褚素民

王烈

項轂

珊瑚網

松菴道人

已下十人
名氏遺闕

松菴道人寫墨菊幽興宛在山巖中

劉槎翁集

周畫史

周畫史未詳其名工畫花鳥

皇明書畫史

坦率子

坦率子不知何許人徐幼文謂其善畫

皇明書畫史

庭祐

庭祐遺其姓作墨竹間有可觀者

皇明書畫史

駱指揮

駱指揮善畫人物馬得趙吳興筆意

畫史會要

可菴老人

可菴老人

成弘間人

史鑑題其畫竹云國初寫竹王舍人筆

端生動妙入神風流太常繼其後片紙一出人爭珍可

菴老人得此傳聲價在人尤赫然江南賢豪動百數家

家屏障生風煙

史鑑西村集

友松處士

友松處士姓申屠氏

見書家傳

善寫生

姚夔文敏公遺藁

快園叟

快園叟

嘉靖時人

許穀畫鹿行云古來畫鹿誰最賢耶律以

後皆無傳吾鄉近推快園叟毫端物態俱天然

外臺藁

一瓢道人

一瓢道人不知其名姓嘗持一瓢浪遊鄂岳間人遂呼為一瓢道人出語顛狂多奇中發藥有效又為人畫牛

信口作詩有異語

袁中道珂雪齋集

詹大

詹大

佚其名

詹景鳳云吾家詹大畫牛亦足與學士儼馬

敵

詹東圖玄覽

陳喜

太監陳喜字仲樂韃靼人工人物鳥獸下筆無痕為一

代之妙

圖繪寶鑑續纂

崔澱

崔澱字彥沈別號楊浦高麗海州人

見書家傳

旁通繪事善

梅竹翎毛點畫入神

楊浦集

冷謙

冷謙字啟敬武陵人元中統初與劉秉忠從沙門海雲遊無書不讀尤深於易嘗遊雲川與趙孟頫同觀李將軍畫頃然效之遂得其法又加精焉遇異人淮陽授以中黃大丹元末則百數歲矣而綠髮童顏如年少高帝初為協律郎郊廟樂章多所撰定

名山藏

周顛

周顛建昌人舉止非常行乞南昌市常趨省府曰告太平人異其言呼顛仙太祖取南昌將還建業拜送馬首曰告太平顛無正語若行軍有髣髴言輒白及征漢至馬當太祖授之江旦與衆偕來更名與同食食已即去莫知所之名山藏

周顛仙自寫一像在皇城五鳳樓上

畫史會要

張君寶

張君寶字全一一字玄玄別號保和容忍三丰子人目

為邈邈張

見書家傳

天順末封為通微顯化真人

名山藏

張三丰自畫一像在臨淮侯家畫史會要

卓小仙

卓小仙蜀人善畫好吟咏舉止異常嘉靖間寓番易時
飲連盞吞復吐出或納片石於口須臾成銀以給貧人
一日別衆去竟不知所之畫史會要

萬玉山

萬玉山名福敦羅田人攻舉子業輒厭棄之童髮投塔

山寺為僧法名道璣邑令徐君召與語大器之命蓄髮
訪道四方號為玉山人語人禍福多奇中繪蘭竹清逸
有韻世宗時贈清微神霄演法真人

徐學謨海隅集

張宇初

天師張宇初字信甫

畫史會要云字子璿

號無為子四十三代天

師能詩工書翰寫墨竹自成一家亦精蘭蕙

皇明書畫

史

張宇初有自畫秋林平遠圖

畫史會要

張宇清

真人張宇清善寫山水

曾榮西墅集

張玄慶

畫史會要
作慶玄

天師張玄慶博學能文長詩畫

名山藏

張慶玄善畫蘭蕙竹石

畫史會要

張澹然

天師張澹然號九歸道人山水宗二米布景清雅亦能

作枯木竹石

畫史會要

張子言

天師張子言號靜淵善畫山樊水仙墨梅

畫史會要

彭玄明

道士彭玄明居華陽鎬司業崧題其所畫秋山圖云我不識華陽彭煉師見畫雲山想句曲

列朝詩集

吳伯理

道士吳伯理號巢雲子

見書家傳

居廣信龍虎山工畫枯木

竹石

皇明書畫史

高道士

高道士

宣德時人

李昌祺題高道士所畫山水云伊誰丹青

擅能事畫出羣山與山似樹杪如聞雪瀑泉林間疑有
雲門寺杖藜橋上知何人抱琴可望不可親高師指點
笑相語我昨圖成殊逼真

運甓漫稿

彭玄中

道士彭玄中號檜亭江陰人山水學何彥澤

畫史會要

沈明遠

道士沈明遠浙江人畫竹石

畫史會要

張復陽

道士張復陽

秀水志云名復字復陽為道士居南宮

初業儒棄去從朱艮

菴學道善詩工畫仿吳仲圭蒼鬱淋漓

六研齋筆記

張復陽善畫山水人物可入能品

皇明書畫史

翁孤峰

道士翁孤峰工於畫魚

畫史會要

沈禮

冶城道士沈禮山水亦清

金陵瑣事

唐道時

冶城道士唐道時字子貞學畫於胡長白

金陵瑣事

釋寶金

釋寶金姓石氏號碧峰乾州永壽人遊五臺山建靈鷲
菴遊學之僧多至千餘人洪武戊申居大天界寺

江寧

府志

碧峰善畫山水似彭玄中而不逮

畫史會要

釋笑印

釋笑印住南嶽工畫蒲萄

張以寧翠屏集

釋日章

釋日章

畫史會要云號錦峰

蜀成都人畫山水學唐子華

圖繪寶

鑑續纂

釋曉菴

釋曉菴東吳人畫蒲萄

圖繪寶鑑續纂

釋華朴中

釋華朴中浙中詩僧師戴靜菴作畫得名 圖繪寶鑑續

纂

釋雪心

釋雪心善畫墨梅 畫史會要

釋草菴

釋草菴住嘉禾三塔寺工詩畫 畫史會要

釋昇日南

釋昇日南號照菴浙江人宗倪雲林畫竹石枯木 畫史

會要

日南善畫水仙尤善音律永樂中人王錡寫圖雜記

釋律天如

釋律天如號片玉吳縣人畫師日南亦能作蘭蕙竹石
畫史會要

釋普大雲

釋普大雲畫水仙學趙子固筆法日南天如俱不逮之
畫史會要

釋玉庭

釋玉庭松江人居超果寺善墨梅錢福鶴灘集

釋福懋

釋福懋字大林竹堂寺僧見書家傳畫學倪迂皇甫汈長洲

志

釋廣禮

釋廣禮號大鏡報恩寺僧陳子野授以畫竹之法金陵

瑣事

釋可浩

釋可浩號月泉靈谷寺住持畫蒲萄不減溫日觀金陵

瑣事

釋戒襄

釋戒襄字平野海鹽天寧寺僧幼得事文徵仲畫雲山亦斐亶不輕為人作紫桃軒又綴

戒襄兼善蘭竹

海鹽圖經

釋海湛

釋海湛不知何許人畫法蕭閒簡澹大非時流所及六

研齋筆記

釋雄鑑

釋雄鑑號瘦石居杭之煙霞洞善畫六研齋三筆

釋妙琴

釋妙琴字無絃華陽人善詩工書畫又以畫牛得名稱

牛和尚畫梅入妙自號梅屋老人郭棐四川總志

釋常瑩

釋常瑩字珂雪華亭人畫葡萄畫史會要

釋解如

釋解如學二米雲山恬致堂集

釋湛一

釋湛一為汪珂玉畫摩詰句圖珊瑚網

釋寂瀾

釋寂瀾為汪珂玉畫摩詰句圖珊瑚網

釋白漢

釋白漢工畫山水

巢鳴盛甲庚詩存

釋願菴

釋願菴畫山水筆墨高遠

旅堂集

釋墨生

釋墨生畫做梅沙彌

寫山樓橐

超上人

超上人劉崧題其所畫墨菊云露香秋色淺深中青蕊

黃花自一叢最憶南園微雨過短籬扶杖看西風

劉槎

龍上人

龍上人善畫龍水

畫史會要

端上人

端上人善畫山水

皇明書畫史

通上人

通上人善畫釋智昶贈詩云我愛通師不住緣疎疎落
落衆人前一生心事憑誰說寫向孤峰祇自憐

黃葉菴

集

戴氏

戴氏文進之女山水人物效其父有筆力

畫史會要

金夫人

金夫人陳別駕鋼之配也善水墨畫所寫蕃馬峭勁如

生 江寧府志

馬氏

馬氏名閑卿號芷居陳魯南夫人善山水白描畫畢多

手裂之不以示人 金陵瑣事

盧氏

盧氏名允貞字德恒號恒齋倪文毅公之妻白描精妙有九歌圖璇璣圖二卷藏於家 畫史會要

仇氏

仇氏英之女號杜陵內史能人物畫綽有父風 丹青志

仇氏畫山水人物精工秀麗筆意不凡無一點塵俗氣 畫史會要

仇氏著色白衣大士像無論相好莊嚴而瓔珞上堆粉
圓凸宛然珠顆燦燦女手見稱僅僅水墨斯誠丹青獨
擅者歟 珊瑚網

孫氏

孫氏任克誠之妻也善寫墨梅人以孫梅花稱之 畫史

會要

沈氏

沈氏沈宜謙之女楊伯海妻工折枝花黃姬水題其杏

花詩云燕飛修閣簾櫳靜紈扇新題春思長妙繪一經
仙媛手海棠生豔復生香

金陵瑣事

許氏

許氏汝寧君之母雅善繪事吳興人以為管夫人復出

弇州山人橐

方氏孟式

方氏孟式字如耀桐城人山東布政張秉文之妻也志
篤詩書備有婦德繪大士像得慈悲三昧

列朝詩集

邢慈靜

邢慈靜臨邑人邢侗之妹

家傳見書

善畫白描大士

珊瑚網

文淑

文淑字端容衡山公其高祖父也父彥可以名行世其家趙靈均少而受業遂以娶焉性明惠所見幽花異卉小蟲怪蝶信筆渲染皆能撫寫性情鮮妍生動圖得千種名曰寒山草木昆蟲狀摹內府本草千種十日而就又以其暇畫湘君禱素惜花美人圖遠近購者填塞貴

姬季女爭來師事相傳筆法

初學集

李夫人

李夫人

珊瑚網云
姓范氏

名道坤作山水花卉北方畫學自李

夫人創發亦書家之有李衛

容臺集

道坤倣倪迂山水覺清淑之氣果鍾於婦人

珊瑚網

林天素 王友雲

林天素王友雲俱杭州人董其昌云山居荏苒幾三十年乃聞閨秀之能畫史者一再出又皆著於武林之西

湖初為林天素繼為王友雲天素秀絕友雲澹宕特饒

骨韻容臺集

葉小鸞

葉小鸞字瓊章一字瑤期沈宛君第三女四歲能誦楚

辭工詩多佳句能模山水寫落花飛蝶皆有韻致

列朝

詩集

梁孟昭

梁孟昭字夷素錢塘人茅九仍室能詩工畫花鳥

杭州

志

周淑祐 周淑禧

周淑祐周淑禧江陰周榮公二女臨文淑畫本草亦成
絕品淑禧寫大士像十六幅陳仲醇謂其十指放光直
造盧楞伽吳道子筆墨之外

靜志居詩話

吳興老儒女

吳興老儒女小字瑞丸解琴理能寫山水竹石

珊瑚網

何玉仙

何玉仙

畫史會要
云名曇

號白雲道人史痴翁妾

見書家傳

能小畫

列朝詩集

朱玉耶 李佗那

朱玉耶李佗那俱郭天中之姬玉耶工山水師董北苑

佗那工水仙直逼趙子固

列朝詩集

吳淨鬢

吳淨鬢陳洪綬妾善花草

明詩綜

李因

李因武林葛無奇侍御家姬山水寫生俱擅長

珊瑚網

林金蘭

金陵瑣事
作林奴兒

林金蘭自號秋香亭中人南都妓也畫山水人物宗馬

遠筆力雖未至亦女流所難得

皇明書畫史

秋香學畫於史廷直王元父二人筆力清潤

金陵瑣事

朱斗兒

朱斗兒號素蛾畫山水小景陳魯南授以筆法

列朝詩

集

馬湘蘭

馬姬名守真小字元兒又號月嬌以善畫蘭故湘蘭之名獨著所居在秦淮勝處

列朝詩集

葛姬

葛姬號曉雲本出教坊雅善琵琶兼通翰墨尤工於寫

蘭

皇甫司勳集

馬文玉

馬文玉名珪善謳善琴善畫遊西湖作憶舊詩四章武

林詞客屬和盈帙縉雲鄭士弘敘曰品似芙蕖才過柳
絮弄墨則花牋點就慣自描蘭裁詩則竹簡題殘曾無
竄草尤工樂府停吳雲於雙聲最善絲桐挹湘水於十
指

列朝詩集

馬如玉

馬如玉字楚嶼

見書家傳

家金陵南市樓徙居舊院善繪事

列朝詩集

呼文如

呼文如萬歷間江夏營妓知詩詞善琴能畫蘭

列朝詩

集

楊璆姬

楊璆姬平康才人世以玉貌善音律擬之楚璆姬雅好翰墨又嘗遊戲丹青得九畹生態時稱逸品

潘之恒曲

中記

薛素素

薛素素吳人

見書家傳

能畫蘭竹作小詩善彈走馬以女俠

自命 列朝詩集

林雪

林雪閩中妓善繪事

珊瑚網

吳梅仙

吳梅仙金陵妓女也善丹青

畫史會要

頓喜

頓喜號西來金陵妓善作蘭竹飛白石

珊瑚網

徐女郎安生

徐女郎安生善繪事作六君子圖儼然雲林再見

珊瑚

網

御定佩文齋書畫譜卷五十八



總校官庶吉士臣張能照

校對官編修臣閔懋大

謄錄監生臣宋維翰